



Broj/Број: 01/3-50-1-3-2/07
Sarajevo/Сарајево: 27.2.2007. godine

**ZAPISNIK
druge sjednice Komisije za vanjsku trgovinu i carine
Predstavničkog doma Parlamentarne skupštine Bosne i Hercegovine**

Druga sjednica Komisije za vanjsku trgovinu i carine Predstavničkog doma Parlamentarne skupštine BiH održana je 27.2.2007. godine, s počekom u 13,00 sati.

Sjednici su prisustvovali članovi Komisije: Snježana Rajilić, Jerko Ivanković Lijanović, Mehmed Suljkanović, Šemsudin Mehmedović, Edin Mušić, Jozo Križanović, Hadži Jovan Mitrović i Slavko Jovičić.

Sjednici nije prisustvovao iz opravdanih razloga Ekrem Ajanović, član Komisije.

Osim članova Komisije, sjednici je prisustvovao i Ministar vanjske trgovine i ekonomskih odnosa BiH, gospodin Slobodan Puhalac, te gospodin Slobodan Župljanin, predsjednik Vanjskotrgovinske komore (u daljnjem tekstu: Komora), i njegov pomoćnik Dragiša Mekić. Sjednici je prisustvovao i sekretar Komisije dr. Zijad Hasić.

Za sjednicu je usvojen sljedeći

DNEVNI RED

- 01. Verifikovanje Zapisnika 1. sjednice Komisije**
- 02. Razmatranje Orijentacionog radnog plana za 2007. godinu**
- 03. Tekuća pitanja**

Na početku sjednice, Šemsudin Mehmedović, član Komisije predložio je da se u Dnevni red uvrsti i dogovor o održavanju Okruglog stola na temu akciza.

Dnevni red je jednoglasno usvojen.

01. Verifikovanje Zapisnika 1. sjednice Komisije

Nakon pozdravnih riječi i otvaranja svečane sjednice Komisije, predsjedavajuća Komisije **Snježana Rajilić** je predložila raspravu i izjašnjenje o zapisniku Komisije 1. sjednice.

Kako nije bilo diskusije o ovoj tački dnevnog reda, predsjedavajuća Komisije predložila je usvajanje zapisnika, pa je Komisija jednoglasno usvojila zapisnik 1. sjednice Komisije.

02. Razmatranje Orijentacionog radnog plana za 2007.god.

Nakon uvoda u ovu tačku dnevnog reda učinjenog od predsjedavajuće Komisije, riječ je uzeo ministar Ministarstva za vanjsku trgovinu i ekonomske odnose BiH **Slobodan Puhalic**. On je naglasio neophodnost saradnje sa nadležnom parlamentarnom Komisijom, te je obećao da će do kaja marta dostaviti svoj prijedlog aktivnosti.

Predsjednik Vanjskotrgovinske komore, Slobodan Župljanin, takođe, obećao je da će dostaviti plan Komore za 2007.god., a potom je naveo tri grupe pitanja kojim se Komora bavi:

1. Neophodnost i nužnost boljeg zakonskog okvira

- o akcizama
- o PDV
- o javnim nabavkama

2. Mogućnost otklanjanja barijera u vanjskotrgovinskom poslovanju

Unutar ovog pitanja, gospodin Župljanin je rekao da možemo uticati da se izgrade tržišne institucije za vanjskotrgovinsko djelovanje u funkciji boljeg rada i većeg izvoza.

3. Poticajne mjere, koje dovode do boljeg balansa

Dragiša Mekić se pridružio diskusiji i pokazao dobru volju da se aktivno uključi u ovu problematiku.

Jozo Križanović se zahvalio ministru i predsjedniku Komore na njihovom prisustvu, a potom se osvrnuo na prijedlog gospodina Mehmedovića. On je istakao mišljenje, da su akcize samo jedan segment vanjskotrgovinske politike i zaštite unutarnjeg tržišta, te da Komisija treba na okrugli sto postaviti širu temu.

Potom se član Komisije **Šemsudin Mehmedović** zahvalio na prisustvu ministru i predsjedniku Komore te dodao kako koordiniranom akcijom treba dovesti proizvođače BiH u povoljniju situaciju. On je ja naglasio kako je BiH potpisnica sporazuma u regionu, a da su akcize manje u funkciji te da bi ovaj okrugli sto trebao da bude učenje o ovim problemima npr. denaturisani alkohol (prljavi alkohol) se proizvodi u Županiji, a uvozi u BiH. Ista situacija je i sa prženjem kafe. Zakon o akcizama je barijera u tome.

Šemsudin Mehmedović je kao temu nekog drugog okruglog stola predložio: "Zakon o carinskoj politici".

Edin Mušić je izrazio svoju zahvalnost zbog prisustva ministra i predsjednika na sjednici. On smatra da je jako bitno sve sugestije uključiti u plan.

Kada je riječ o metodologiji okruglog stola, Križanović Jozo predlaže globalnu, a Šemsudin Mehmedović pojedinačnu problematiku, dok Edin Mušić smatra da bi možda dobro bilo krenuti od akciza. On je za to da se odmah počne sa pojedinačnim akcijama, a ne da se čekaju svi podaci, pa da uslijedi akcija.

Jozo Križanović smatra kako akcize nisu dominantno spoljnotrgovinsko pitanje.

Slavko Jovičić ističe da je ključ u tome da BiH ekonomski krene. Potrebno je dosta ljudi od struke uključiti u taj proces. Smatra da bi Komisija bar jednom mjesečno trebala da nadgleda problematiku, te da se naprave konsultacije sa ljudima iz Evrope. Jovičić smatra da je potrebno razbiti tabu o siromašnoj BiH i razjasniti ljudima da BiH nije siromašna ni prirodno ni intelektualno. Animiziteta nema. Treba angažovati ljude koji znače nešto u ovoj branši. Komora je formulirala ovo pitanje i od Komisije ima podršku. Jovičić dalje ističe da je potrebno ubrzati aktivnosti te naglašava važnost Okruglog stola. Za kraj Jovičić naglašava kako je deficit stravičan i da ćemo, ako ovako nastavimo, potonuti pred očima svijetu.

Jerko Ivanković Lijanović je potvrdio kako su pred svima veliki zadaci. Lijanović smatra kako je potrebno mjesečne analize vanjskotrgovinskog deficita. Situacija se mora detaljno sagledati i odmah početi sa djelovanjem. Lijanović ističe kako je on gledao kako se to radi u USA, te da tamo postoje čak i sedmična praćenja tih pokazatelja. On smatra da ministar mora bar jednom mjesečno biti prisutan na inventuri stanja u BiH.

Jerko Ivanković Lijanović je potom dao određene informacije o pregovorima sa EU, te upoznao prisutne, kakvi su rezultati te saradnje i šta Komisija može učiniti na kvalitetnijoj saradnji.

Mehmed Suljkanović smatra da Komisija konkretno može mnogo stvari napraviti. Ali poslije ovog starta Komisije, rezultati se moraju vidjeti. Potrebno je da se sve ove odluke i prijedlozi oslobode od politike. Suljkanović podržava Okrugli sto i smatra da će ljudi dati prijedloge kako dalje. Smatra da će biti korisno i dobro ako se bar malo podigne efikasnost domaćeg tržišta.

Jovan Hadži Mitrović priznaje da problema ima te da je potrebno mijenjati zakonski okvir u BiH. Smatra da je ovo dobar početak. Treba brzo djelovati. Mjesec po mjesec prolazi, a vrijeme teče. Mitrović ističe da će Ministarstvo napraviti svoj program, te da su sve oblasti rada pune problema, posebno izvoz. Smatra da je izvoz potrebno stimulirati. Hadži Mitrović je na kraju rekao da je on lično spreman da se aktivnosti Komisije osjete u BiH.

Slobodan Puhalc, ministar je naglasio da ima mnogo ograničavajućih okolnosti u radu njegovog Ministarstva. Problem je što postoji neravnotežan odnos sa Evropskom unijom. Smatra da je rješenje u povećanju primarne proizvodnje.

Pomoćnik ministra, **Mekić Dragiša** ističe da postoji mnogo međunarodnih dokumenata koji normiraju ovu situaciju. Naglašava da smo se pridružili CEFTA-i. Što se tiče akciza, Mekić ukazuje na činjenicu da naši proizvođači žele uvesti veće akcize za uvozne a manje za domaće proizvode, a to neće ići. To je ujedno i jedna od ograničavajućih stvari. Mekić navodi da se 90 % proizvoda uvozi iz EU i zemalja sa kojima imamo ugovore. Ovo je test naših proizvođača kako da posluju sa stranim državama. Mekić dalje navodi kako mi nemamo direktne stimulacije za izvoz, te da su subvencije za proizvođače dozvoljene isto kao i standardizacija.

Šemsudin Mehmedović ističe kako Okrugli sto ne preferira neke nove namete. On naglašava kako su strane firme (Rovinj) preferirane, te smatra da treba stimulirati poljoprivrednu proizvodnju Bosne i Hercegovine.

Jozo Križanović smatra da bi bilo dobro prvu raspravu nasloviti "Kritika vanjske trgovine sa aspekta domaće proizvodnje". Križanović smatra da se može naći niz sitnih mjera koje mogu pomoći npr. kod sirove kafe 1 KM akcize, a kod pržene 1,5 KM poreza.

Jerko Ivanković Lijanović naveo je jedan ilustrativan slučaj. Jedna firma za obuću poslala je dva svoja stručnjaka u Afriku da ispituju tržište! U njihovim izvještajima stajalo je ovako:

1. u Africi su svi bos, ne trebaju cipele
2. u Africi su svi bos, ogromno tržište cipela.

Ili još jedan slučaj:

Zahtjev pred BiH je slijedeći:

- Obaveza BiH je da potpiše Ugovor o slobodnoj trgovini sa svim zemljama u regionu, ili
- Sve države u regionu trebaju sa BiH zaključiti Ugovor o slobodnoj trgovini.

Sve zavisi kako ko promatra ove primjere i kao se postavlja u njihovoj realizaciji.

Slobodan Župljanin, predsjednik Komore, naveo je da treba raditi ono što je objektivno moguće. Smatra da nam je CEFTA dobra šansa. Župljanin naglašava da se međunarodni ugovori ne smiju kršiti. Što se tiče akciza on smatra da treba oprezno pristupiti akcizama na sirovu i prženu kafu. Župljanin naglašava da biznisa nema bez interesa. On dalje navodi kako je Srbija subvencionirala ulje za 30 % koje se prodaje u BiH, te da je potrebno i o tome razgovarati. Župljanin dalje ističe kako se ništa ne može preko noći i radikalno riješiti, ali se može dalje ići. Dalje, predsjednik Komore ističe kako Komora ima ogromnu bazu podataka, kao i vijeće eksperata koji su uvijek na raspolaganju svima pa i našoj Komisiji.

Ministar Slobdan Puhac naglašava kako veoma važnu ulogu igraju transparentnost rada i državna kontrola.

Slavko Jovičić je rekao kako smo, u ovom poslu, svi ravnopravni te da izvršna vlast treba da nastavi da radi svoj posao.

Snježana Rajilić, predsjednica Komisije predlaže tri grupe pitanja koja se moraju razmotriti:

1. 5 zakona koji će se razmatrati u oblasti vanjskotrgovinskih odnosa
2. carinske barijere
3. iznalaženje mogućnosti za podsticaj organizovanja Okruglih stolova

Ove grupe pitanja mogu se realizirati putem:

- okruglih stolova
- javnih saslušanja
- obilaskom zemalja CEFTA-e i Turske

Predsjednica Komisije dalje naglašava da je neophodno da se zakonodavna vlast sastaje sa ministarstvima, da se analiziraju mjesečni izvještaji te da se dobivaju mjesečni izvještaji od Komore.

Na kraju, nakon sumiranja rezultata, Komisija je donijela slijedeći zaključak:

Daje se ovlaštenje predsjedavajućoj Komisije da sačini Orijentacioni radni plan Komisije za 2007. godinu, na osnovu ove diskusije, kao i planova rada Ministarstva i Komore.

03. Tekuća pitanja

Što se tiče **Okruglog stola**, njegovo održavanje je zakazano za 13.3.2007. godine. Usvojeni naziv Okruglog stola je "Analiza vanjskotrgovinskog deficita sa posebnim osvrtom na akcize", a njegov naziv se može korigirati.

Na Okrugli sto treba pozvati, pored ostalih, Ministarstva finansija, komore BiH, FBiH i RS, kao i ugledne privrednike i stručnjake iz ove oblasti.

Ovim je u 15 sati, završena 2. sjednica Komisije za vanjsku trgovinu i carine Predstavničkog doma Parlamentarne skupštine BiH.

Sekretar Komisije
dr. Zijad Hasić

Predsjedavajuća Komisije
Snježana Rajilić